



REGIONE AUTÒNOMA DE SARDIGNA
REGIONE AUTONOMA DELLA SARDEGNA



Provintzia
de Aristanis



UFITZIU DE SA LIMBA E
DE SA CULTURA SARDA
PROVINTZIA DE ARISTANIS



ORIENTARE

Progetto “Su sardu: limba mia” servizio di gestione dello sportello linguistico unico per area

Avviso -“TuLiS” Tutela lingue Sarde per l'utilizzo dei fondi di cui alla L. 482/1999, artt. 9 e 15, LR 22/2018 e L.R. 6/2012, art. 2, comma 13

GLOSSÀRIU PO PIPIUS E PIPIAS A PITZUS DE SA PASCA MANNA



SU CONILLU



Ddu scideis poita su conilleddu est unu de is sìmbulus de sa Pasca Manna? Parrit chi siat una traditzioni chi ndi benit dae s'America candu is immigraus tedescus iant portau in cussa terra su contu de custu conilleddu chi arregallàt ous de ciuculati a is pipius e a is pipias bonas.

SA CULUMBA



Sa culumba est su sìmbulu de sa paxi e duncas finas de sa Pasca Manna.



SU PILLONEDDU DE PUDDA E S'OU DE PASCA



S'ou de Pasca e su pilloneddu de pudda sunt sinnalis chi afigurant sa nàscida de una vida noba. In religionis meda e non feti in cussa cristiana, s'ou est su sìmbulu universali de sa nàscida e de sa vida. Su de arregallai ous de ciuculati est una traditzioni nàscia de pagu, ma finas in is tempus prus antigus movendi de s'edadi de mesu, si arregallànt ous verus pintaus cun disènnius e dèdicas.

S'ANGIONEDDU DE PASCA



Bolit significai s'innocèntzia, su de èssiri lìmpius de ònnia malesa, sa luxi.



SA NAIXEDDA DE OLIA



Sa naixedda de olia chi portat in buca sa culumba, bolit significai sa paxi. Arregordat sa culumba chi candu nci fiat stètiu su dilùviu universali, fiat arribada de Noè po ddi nai ca s' àcua si fiat abasciada. E arregordat finas s' intrada de Gesucristu a Gerusalemme, candu sa genti ddu saludàt cun una naixedda de olia in manu.

IS CAMPANAS DE PASCA



Is campanas de Pasca si arregordant su prexu e sa cuntentesa; sighint a cussas de sa cenàbura santa candu invècias is campanas non sonant, in sinnali de lutu.